



Las Squadras

1

Informaziuns generalas e messadi tier la radunanza communal a dils 24 d'avrel 2018

Messadi per la radunanza communal a dils 24-04-2018

Messadi per la radunanza communal a dils 24-04-2018 allas 20.00 uras a Cumpadials

La suprastonza communalia suttametta a Vus las suandontas fatschentas:

1. Avertura e beinvegni
2. Elecziun da 2 dumbravuschs
3. Approbaziun dil protocol dalla davosa radunanza communal a dils 15-12-2017
4. Tractaziun ed approbaziun dil project da sanazion dalla via dall'alp Glivers e concessiun dil credit brut da 505'000 francs
5. Scassar la decisiun dalla radunanza communal a dils 28-05-2015 pertuccont baghegiar ina tegia mo per ina partida a Val Tenigia e tractaziun ed approbaziun dil project per la sanazion dalla tegia da Val Tenigia e concessiun dil credit brut da 290'000 francs
6. Tractaziun ed approbaziun dil project da realisar uauls naturals ed inslas d'uaul
7. Orientaziuns
8. Varia



Las canals existentes dalla via dall'alp Glivers

Tractanda 3: Protocol

Il protocol dalla radunanza communal a dils 15-12-2017 ei staus exponius public e disponibels sin la pagina d'internet naven dils 12-01-2018 duront 30 dis. Il protocol sa vegrir abonnaus. Ils cuosts da porto da frs. 2.50 per protocol vegrnan tschentai a quen als abonnents.

Tractanda 4: Tractaziun ed approbaziun dil project da sanazion dalla via dall'alp Glivers e concessiun dil credit brut da 505'000 francs

Dils 15 entochen ils 17 da zercladur 2016 ha ei pluviu e draccau intensivamein el cantun Grischun. Dapertut el cantun Grischun ha la plievgia procura per donns vid l'infrastructura. Era en nossa vischnaunca ha la plievgia fatg gronds donns. Denter auter ei la via d'uaul dall'alp Glivers vegrnidava ora malamein. La stresa isada ei per gronda part lavada naven e la fundaziun dalla via ei ussa bein veseivla. En certi loghens sepresenta la via sc'in dutg.

Tenor las novas enconuschienschas digl uffeci d'uaul e prighels dalla natira ein las canals vegnididas montadas parzialmein memia lunsch in ord l'auter. Senza ina sanazion dalla stresa isada ed ina correctura totala dallas canals va la via d'uaul dall'alp Glivers empaglia diltut.

La lingia generala dalla via d'uaul dall'alp Glivers ei vegrnidava lubida dalla confederaziun e dil cantun Grischun il schaner 1979. La via ei vegrnidava baghegiada cun ina fundaziun da 30 cm ed en loghens bletschs cun 40 cm. Il material da fundaziun ei vegrnius excavatus ed elaboratus a Plaun dils mirs. La stresa isada (Verschleisssschicht) ei vegrnidava baghegiada cun ina grossezza da 5 entochen 7 cm. Quella ei vegrnidava retratga d'ina cava da gera dalla Cadi. Tenor rapport tecnic dil project cuntegn la stresa isada memia pauc material fin (Tonerde).

Ord quels motivs eis ei vegniu dau gronda peisa da trer giu las auas. Cun la sanaziun dalla via vegnan las canals montadas mintga 25 meters tier pendenzas da tochen 10 % e mintga 22 meters tier pendenzas da 12 %. Il project preveda da montar 200 meters canals dapli che quei che la via existenta posseda actualmein. Quei munta totalmein 1200 meters canals.



via dall'alp Glivers existenta

Las finamiras dil project:

- metter en uorden la via
- manteniment dalla substanza e prevegnir ulteriurs donns
- augment dalla segirtad tier la raccolta da lenna

Mesiras da construcziun:

- renovaziun dalla stresa isada (17'400 m²)
- remplazzament dallas canals (1'200 m)

Ils cuosts ein calculai cun 505'000 francs. Dils cuosts totals surpren igl uffeci d'uaul e prighels dalla natira 68 % che munta ina summa da 343'400 francs. Aschia resta aunc ina summa da 161'600 francs che va per grevezia dalla vischnaunca.

Departament forestal

Proposta

La suprastonza communal propona alla radunanza communala d'approbar il project da sanaziun dalla via dall'alp Glivers e da conceder persuenter il credit brut da 505'000 francs.


Tractanda 5: Scassar la decisiuon dalla radunanza communal da dils 28-05-2015 pertucont baghegiar ina tegia mo per ina partida a Val Tenigia e tractaziun ed approbaziun dil project per la sanaziun dalla tegia da Val Tenigia e concessiun dil credit brut da 290'000 francs

Avon 18 onns ei la Corporaziun d'alps Sumvitg vegnida fundada. Dapi la fundaziun dalla corporaziun ha ella affittau las alps e las tegias ed ei responsabla per il manaschi d'alp. Ils dretgs e las obligaziuns denter la vischnaunca e la Corporaziun d'alps Sumvitg ein

reglai el reglament davart guidida d'alps e pastiras ed el contract d'affittaziun. Ella tegia veglia a Val Tenigia habiteschan ils pasturs dall'alp Rentiert ed il nurser dall'alp Greina duront pliras jamnas la stad. La tegia veglia posseda ina combra ed ina cuschina pintga pil starler da Rentiert ed ina combra cun cuschina pintga pil nurser dalla Greina. Il tschaler dalla tegia vegg duvraus sco magasin da material dad omisduas alps. Aua retilan ils pasturs ord ina fontau na che sesanfla circa 10 meters sper tegia. La tualetta schetga comunabla sesanfla biabein 20 meters sur la tegia.



tegia da Val Tenigia



fontau da la tegia da Val Tenigia



tualetta dalla tegia da Val Tenigia

A caschun dalla radunanza communal dils 28 da matg 2015 ei il project per ina sanaziun dalla tegia da Val Tenigia vegnius refusaus. Il project refusau era calculaus cun 385'000 francs. La radunanza communal ha a caschun da quella radunanza communal decidiu il suandont:

- La decisiun da sanar la tegia da Val Tenigia duei vegnir spustada entochen che la decisiun davart il Parc Adula ei avon maun.
- Elaborar in project da sanaziun dalla tegia da Val Tenigia pil starler e plazzar il nurser ella tegia da cauras. Per quei intent duei vegnir formau ina cumissiun che secumpona da silmeins in mistergner.

Il november 2016 han las votantas ed ils votants refusau il project Parc Adula. Suenter quella decisiun ha la suprastanza communal elegiu sco concludiu dalla radunanza communal ina cumissiun ch'accumpogna la planisaziun ed il project entochen la terminaziun dallas lavurs. En quella cumissiun ein las suandontas persunas vegnididas elegidas:

- Duff Marcus, Laus, gerau d'agricultura e president dalla cumissiun
- Collenberg Fabian, Sumvitg, canzlist communal ed actuar dalla cumissiun
- Bearth Rest Andriu, Sumvitg
- Cavegn Sigisbert, Rabius
- Jacomet Lothar, Rabius

La cumissiun ha elaborau ensemens cun igl architect *Linus Maissen da Mustér* pliras variantas per in pastur ed ei vegnida tier la conclusiun ch'ina varianta redimensiunada per duas partidas ei pli adattada che da baghegiar sulettamein per il starler e plazzar il nurser ella tegia da cauras sco decidiu dalla radunanza communal dils 28-05-2015. Consequentamein duei la decisiun dalla radunanza communal che pretenda in project per la tegia mo per ina partida vegnir scassada.


Il project

Il project preveda da spazzar la part su dalla tegia che consista da lenn e da construir la part da lenn da niev. Ei duei vegnir baghegia per duas partidas mintgamai ina cuschina ed ina combra. En tschaler duei vegnir baghegia ina tualetta, ina duscha, in begli grond per laver resti ed in indrez da scaldar aua che duei survir ad omisduas partidas.

L'aua da diever duei vegnir menada ord la fontauna existenta dalla tegia da cauras che sesanfla circa 400 meters naven dalla tegia en in tanc da 2000 liters sur la tegia. Aschia basegna ei neginas pumpas per il provediment dall'aua. L'aua tschuffa vegn menada sut tegia en in tanc da 5000 liters. Il cuntegn da quei tanc sto vegnir svidaus cunituadamein. L'electricitat necessaria vegn producida cun in indrez solar. Plinavon vegn montau in tilacametg. Il project ademplescha tuttas pretensiuns dil cantun, dalla confederaziun e dall'assicuranza d'edifecis dil Grischun.

Calculaziun da cuosts:

- lavurs da planisaziun e lubientschas	frs.	35'000
- lavurs da construcziun	frs.	255'000
- total cuosts	frs.	290'000



plans project da sanaziun tegia da Val Tenigia

Il plan da finanziazion vesa ora sco suonda:

- cuosts da sanaziun	frs.	290'000
- subvenziuns confederaziun e cantun	frs.	72'000
- contribuziun Corporaziun d'alps Sumvitg	frs.	29'000
- cuosts restants per la vischnaunca	frs.	189'000

La vischnaunca ha ultra da quei aunc dumandau il Padrinadi svizzer per vischnauncas muntagnardas per ina contribuziun. La risposta da quell'instituziun ei aunc buca avon maun.

Departament agricultura

Proposta

La suprastanza communal propona alla radunanza communal da scassar la decisiun dalla radunanza communal dils 28-05-2015 pertuccott baghegiar ina tegia mo per ina partida a Val Tenigia ed approbar il project per la sanaziun dalla tegia da Val Tenigia e da conceder il credit brut da 290'000 francs.

Tractanda 6: Tractaziun ed approbaziun dil project da realisar uauls naturals ed inslas d'uaul

La finamira dalla confederaziun e dil cantun Grischun ei da saper realisar sin ina surfatscha da 10 % digl uaul existent uaul natural en l'entira Svizra e quei entochen igl onn 2030. La Svizra posseda 1'208'333.3 hecetas uaul. Da quei ein 58'000 hecetas uaul natural tgei che mutta 4.8 % della surfatscha d'uaul. Ils cantuns vegnan susteni per contonscher la finamira dalla confederaziun e quei en forma strategica e finanziaria sut la cundiziun ch'els sviluppeschien in plan per uauls naturals. Il cantun Grischun ei dependents dallas vischnauncas e dils possessurs privats d'uaul per la realisaziun d'uauls naturals.

Igl onn 2014 ha il cantun Grischun dumandau las vischnauncas sch'ellas hagien interess da schar far ina studia davart ils uauls vegls. La suprastonza communal ha en sia seduta dils 10-03-2014 decidiu da dar suatienscha alla damonda digl uffeci d'uaul e prighels dalla natira dil cantun Grischun. Quella studia ha caschunau negins cuosts alla vischnaunca. Ils onns vargai ha in biro specialisau intercuretg ils uauls da vischnaunca ensemens cun il departament forestal ed il departament d'agricultura. Uss ein las propostas per uauls naturals ella vischnaunca da Sumvitg sin meisa.

Ei setracta da dus uauls naturals e da treis inslas d'uaul vegl. En damonda vegnan igl Uaul da Crap Ner cun ina mesira da 75,37 hecetas ed igl Uaul dil Cugn cun ina mesira da 139,51 hecetas.

Sco inslas d'uaul vegl eis ei vegni definau treis loghens ella Val Sumvitg. Duas inslas ein dretg e seniester dalla Bleissa Lada e han ina mesira totala da 4,29 hecetas. La tiarza insla d'uaul vegl sesanfla a Sutglatscher da vaccas e ha ina mesira da 3,82 hecetas.

Ils uauls naturals e las inslas d'uaul vegl ein vegni elegi muort la topografia fetg teissa e greppusa. Cun ils prezis da lenna dils davos onns eis ei buca pusseivel da far tagls da lenna ch'ein economicamein rentabels en tals loghens. Ord quei motivs eis ei strusch vegniu pinau lenna ils davos 80 onns en quei uauls ed aschia ei gia in ualti intact uaul avon maun. La finamira da quei uauls naturals ei da mussar il svilup digl uaul. En uauls nua ch'ei vegn pinau ora negina lenna dat ei bia lenna veglia, derschida e marscha. Bia flora e fauna drova gest da quei habitatdis per puder surviver. En ils uauls commercialisai san biars insects buca surviver ed ein aschia pericitai zun fetg da vegni extirpai. Perquei dro-

va ei ina surfatscha minimala d'uaul natural ed inslas d'uaul vegl bein repartiu sur igl entir uaul svizzer. Igl uaul natural garantescha che nossa flora e fauna semantegni e survivi.

Las sulettes restricziuns en quei uauls ei il scamond da far tagls da lenna sco era da pascular. Igl ei denton vinavon lubiu dad ir a catscha, a spass e per bulius. Cun lubientscha dil selvicultur eis ei era lubiu da baghegiar sezs da catscha e da tener liber largias da sittar. Sche plontas periclitescan la segirtad da baghetgs, vias ni sendas astgan ellas vegni pinadas entras igl uffeci forestal. En cass d'incendis d'uaul vegn il fiug cumbattius era en quellas zonas da schurmetg. Dat ei entuorn quei uauls calamitads dil bau scorsa sa quel vegni cumbattius tenor cunvegna e cun sustegn finanziar dil cantun. Quei cunzun sch'ei regia il prighel ch'ils baus savessan attaccar uaul da schurmetg ella vischonanza. Perquei vegnan quei uauls era observai vinavon entras il survetsch forestal.

Ils contracts vegnan fatgs per in temps limitau da 50 onns. La vischnaunca vegn indemnizada cun 20 francs per hectara ed onn. Il cantun indemnissescha gia ordavon per ils emprems 25 onns e suenter quei temps vegn l'indemnisaziun giudicada danovamein, mutta denton puspei minimalmein 20 francs per hectara ed onn per ils 25 onns che suondan.

Ils cuosts per impurtar il servitud el Cudisch funsil vegnan purtai dil cantun.

La vischnaunca sa sche giavischau seretrer dils contracts. Il temps da visada dils contracts mutta dus onns. En quei cass stuess la vischnaunca restituir al cantun ed alla confederaziun las indemnisiations per igl uaul natural ni inslas per ils onns restonts.

La vischnaunca vegn indemnizada per ils emprems 25 onns sco suonda:

- uaul natural Crap Ner	75.37 ha	frs.	37'685
- uaul natural Cugn	139.51 ha	frs.	69'755
- treis inslas d'uaul vegl	8.11 ha	frs.	4'055
- total		frs.	111'495

Departament forestal

Proposta

La suprastonza communal propona alla radunanza communala d'approbar la realisaziun d'uauls naturals ed inslas d'uaul.

Informaziuns cuortas

Chor d'affons Sumvitg

Venderdis sera, ils 16 da mars 2018 ei stau pil chor d'affons da Sumvitg ina sera da gronda legria. Ina delegaziun dalla suprastonza dalla SRG SSR Svizra Rumantscha ha visitau Sumvitg e ha communicau la surpresa ch'il chor d'affons survegni il premi SRG.R 2018.

Il chor d'affons sut la direcziun da *Flavia Walder-Hublard* era gest vid in'emprova da cant cura ch'il president dalla SRG.R, *Oscar Knapp* cun ils consuprastonts *Donat Nay* e *Gion Lechmann* e la menadra dil post SRG.R *Sandra Carisch-Killias* ein entrai en stanza d'emprova. Els havevan era envidau la suprastonza dil chor che saveva aunc da nuot dil cletg. La surpresa ei gartegiada.

Il premi va al Chor d'affons Sumvitg en renconuschiantscha digl engaschi per la cultura da cant. Il chor ei vegnius fundaus igl onn 1998 e sa festivar uonn il 20avel anniversari. Il premi ei dotaus cun 8'000 francs e vegn surdaus ufficialmein a caschun dalla radunanza generala dalla SRG.R ils 26 da matg 2018 a Landquart.

Departament cultura e temps liber

Editura

Vischnaunca Sumvitg, Via Quadras Su 10, 7175 Sumvitg
 telefon: 081 920 25 00, fax: 081 920 25 08,
 e-mail: info@sumvitg.ch